

# RADUNANZA CUMÜNELA

---

## 94. Protocol dals 12-02-2020 - 20.15 h

---

Il president cumünel, sar Andrea Gilli, po salüder 37 personas cun dret da vuscher, v.d. 5.7% dal total da las votantas e dals votants, a la radunanza cumünela illa Seletta da la chesa da scoula a Zuoz.

Scu scrutinaduors vegnan numnos e tschernieus per la vart schneistra vers Arpiglia sar Andri Marugg e sar Roman Grossrieder per la vart dretta vers Albanas e la maisa dal cussagl. Il president gratulescha per la tscherna onurifica.

555 01 Organisaziun da vschinauncha  
 01.C Radunanza cumünela  
 01.D.01 Approvaziun protocol

### **1. Protocol da la radunanza cumünela dals 27 november 2019**

In sieus plets d'introducziun per quista tractanda declera il president cumünel cha'l protocol da la radunanza cumünela dals 27 november 2019 es sto publicho vi da la tevla naira e sülla pagina d'internet da la vschinauncha dals 4 december 2019 fin als 6 schner 2020. Ils votants e las votantas haun temp 30 dis düraunt il temp da publicaziun per inoltrer eventuels recuors cunter il protocol. Siand cha que nu d'eira il cas vela il protocol automaticamaing scu accepto. Il president ingrazcha al chanzlist per la cumpilaziun.

556 01 Organisaziun da vschinauncha  
 02.H Votaziuns ed elecziuns  
 02.H.02 Tschernas da Chalandamarz

### **2. Propostas per las tschernas da Chalandamarz 2020**

Il president declera cha culla missiva saja gnieu comunicho per che caricar chi's stu fer tschernas da conferma resp. da rimplazzamaint.

Pel cussagl cumünel staun sar Ramun Ratti e sar Christian Florin a disposiziun per ün'ulteriura perioda d'uffizi da trais ans.

Illa cumischiun da fabrica ho sar Stefan Metzger raggiunt la limita da sieu temp d'uffizi ed ün'otra candidata u candidat stu gnir eletta u elet illa cumischiun. Our dal ravuogl da las votantas e votants vegnan proposts sar Christian Ferrari e sar Marco Salzmänn scu candidats per la cumischiun da fabrica.

Illa cumischiun sindicatoria sto sar Jachen Delnon a disposiziun per ün'ulteriura perioda d'uffizi da trais ans.

Pel cussagl da scoula sto sar Roman Grossrieder a disposiziun per ün'ulteriura perioda d'uffizi da trais ans.

Il president renda attent cha ulteriuras propostas paun gnir inoltradas in scrit fin in venderdi, ils 14 favrer 2020 a las 16:00 süll'administraziun cumünela.

557 01 Organisaziun da vschinauncha  
01.D Cussagl cumünel

### 3. Preschantaziun progets per l'an 2020 dal program d'acziun Zuoz 2025

Il president cumünel infurmescha cha'l cussagl cumünel s'ho dedicho intensivmaing al plan d'acziun 2025, ils progets per l'an 2020, la prioritaziun e pussibels imports per las singulas activitads ed ils singuls progets. El declera a maun da la sequainta tabella ils singuls progets:

Champ d'acziun	Activited	Priorisaziun	Preventiv
Comunicaziun	<ul style="list-style-type: none"> <li>• Sur elavuraziun strategia da comunicaziun integrela, definiziun dals differents adressats e dals differents chanel e mezs da comunicaziun</li> </ul>	1	10'000.00
Rolla lingua Rum-auntscha	<ul style="list-style-type: none"> <li>• Analisa situaziun hoz, definiziun sfidas in avegnir</li> <li>• Identificaziun vschinaunchas cun similas sfidas</li> <li>• Soluziuns e propostas a media vista</li> </ul>	1	20'000.00
Svilup strategia da furmaziun Zuoz/Plaiv cul Lyceum Alpinum Zuoz ed oters	<ul style="list-style-type: none"> <li>• Elavuraziun strategia futura e models futurs da furmaziun</li> </ul>	1	10'000.00
Svilup areal Staziun	<ul style="list-style-type: none"> <li>• Collavuraziun culla Viafier Retica ed oters partenaris</li> </ul>	1	
Analisa da potenziel Resgia, Purtum Analisa da potenziel Plagnoula	<ul style="list-style-type: none"> <li>• Elavuraziun analisa d'utilisaziun</li> <li>• Elavuraziun analisa d'utilisaziun</li> </ul>	1 3	40'000.00
Activer Plaz	<ul style="list-style-type: none"> <li>• Elavuraziun concept pel svilup Plaz, La Tuor, Chesa Planta Suot</li> </ul>	1	20'000.00
Concepziun mister-aunza	<ul style="list-style-type: none"> <li>• Analisa situaziun hoz</li> <li>• Sclarimaint / definiziun potenziel in avegnir</li> </ul>	2	5'000.00
Turissem	<ul style="list-style-type: none"> <li>• Sclarimaint / definiziun potenziel in avegnir</li> </ul>	2	

Concept d'allogi Zuoz/Plaiv	• S-chaffir cundiziuns da ram	2	10'000.00
Collavuraziun ESTM AG	• Sclarimaint / definiziun potenziel in avegnir	1	
Activer agricultura	• Sclarimaint / definiziun potenziel in avegnir	2	
Svilup cun dürabilitad da la natüra	• Sclarimaint / definiziun potenziel in avegnir • Comunicaziun	1	
Cultura	• S-chaffir cumischiun da cultura, elavuraziun lezchas e böts • Definer champs d'acziun e cooperaziuns	1 2	
Provedimaint d'ova	• Analisa situaziun hoz • Definiziun acziuns a cuorta vista, planisaziun lej da bagn ed innaivaziun	1 1	15'000.00 80'000.00
Finanzas	• Planisaziun da finanzas detagliada fin 2025	1	5'000.00

La radunanza cumünela piglia cugnuschentscha da la granda lavur fatta in cussagl cumünel.

558 01 Organisaziun da vschinauncha  
01.C Radunanza cumünela  
01.C.05 Infurmaziuns

#### 4. Orientaziuns

Servezzan forestel Zuoz S-chanf: Il president orientescha sur da la cunvegna e la situaziun actuela da la gestiun forestela traunter las vschinaunchas da Zuoz e S-chanf. Il mneder forestel ad interim es in carica cun temp limito fin la fin dal mais gün 2020. Zieva fo dabsoegn üna nouva soluziun. La vschinauncha da S-chanf decida in favrer/marz sur da l'agir futur dal mneder dal servezzan forestel. Intaunt vo la vart operativa inavaunt scu üsito e tagls planisos vegnan executos.

ESTM AG: Il president infurmescha cuort cha la situaziun da la destinaziun es gnida spieggheda avuonda illas medias e ch'el nun ho da schlarger las explicaziuns. El declera cha sun avauant mauns differentas variantas scu ir inavaunt chi vegnan preschantedas a la conferenza dals presidents cumünels d'Engiadin'Ota.

Lavuors da mantegnimaint vias: Tenor il president vain terminada la sanaziun da la Via d'Arpiglia dal 2020. Las Vias da Vaüglia Sur e Suot haun da gnir sanedas ed eir la via vers Escha Dadains ho da gnir saneda inclusiv la punt. Ün votant dumanda scha la Via da

Vaüglia Suot fo propi dabsögn da saner. Il president declera cha las punts sun in uorden ma cha las boudas haun fat dan. Impè la Punt da Murtiröl stu eir gnir saneda.

559 01 Organisaziun da vschinauncha  
 01.C Radunanza cumünela  
 01.D.02 Varia  
**Varia**

Ün votant piglia il pled per fer üna remarcha per la tematica energia chi'd es darcho steda in discussiun a l'ultima radunanza cumünela. Il votant remarcha cha's po esser superbi sur da tuot che chi'd es già gnieu fat in chosa a Zuoz. El manzuna il concept d'igluminaziun, las installaziun fotovoltaicas sül Chesin dad Albanas, sülla puraria Pundschermaun, in Curtinellas ed eir da privats. As po dimena comunicher cha s'ho già fat divers pass. Il president s'ingrazcha pel votum e remarcha impü cha la tematica vain darcho piglieda sü scu proget dal program d'acziun Zuoz 2025 l'an 2021.

La prosma radunanza cumünela ils 29 avrigl 2020 ho lö i'l Lyceum Alpinum Zuoz. Que sün invid dal Lyceum Alpinum Zuoz. Il president s'ingrazcha per l'invid e sperescha sün üna partecipaziun numerusa.

Zieva cha nu vain pü dumando il pled ingrazcha il president cumünel a las votantas ed als votants per la cumparsa e serra la radunanza a las 20:40 in giavüschand a tuots üna bella saira.

In buna fè  
 il president l'actuar

Data da publicaziun:  
 Zuoz, ils 25 favrer 2020